

**Umiarsualivimmiinnermut akileraarutit pillugit Inatsisartut inatsisaata  
allanngortinneqarneranik Inatsisartut inatsisaat nr. 1, 20. maj 1998-imeersoq**

**§ 1**

Umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi, Inatsisartut inatsisaatigut nr. 4, 13. maj 1993-imeersukkut, Inatsisartut inatsisaatigut nr. 14, 28. oktober 1993-imeersukkut, Inatsisartut inatsisaatigut nr. 11, 13. juni 1994-imeersukkut aamma Inatsisartut inatsisaatigut nr. 17, 3. november 1994-imeersukkut allanngortinneqartumi makku allannguutigitinneqarput:

**1. § 3 imatut oqaasertaqassaaq:**

" **§ 3.** Akileraarut naatsorsorneqassaaq bruttoton-imut (BT) ataatsimut akit makku naapertorlugit:

1) Umiarsuit ilaasartaatit nal.ak. 24-t aallartinneri tamaasa 0 kr. 70 øre.

2) Angallatit aalisariutit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasut nal.ak. 24-t aallartinneri tamaasa 0 kr. 70 øre.

3) Umiarsuit nassiussanik angallassisartussatut sananeqarsimasut, kiisalu umiarsuit allat sap.ak. aallartinneri tamaasa 0 kr. 70 øre.

Imm. 2. Umiarsuit, bruttoregisterterton kisiat tunngavigalugu usitussutsiminnik uuttortissimasut BRT-imut ataatsimut akileraarutissaat akit imm. 1-imi taaneqartut naapertorlugit naatsorsorneqassaaq."

**§ 2**

Inatsisartut inatsisaat manna 1. juli 1998 aallarnerfigalugu atortuulissaaq.

*Namminersornerullutik Oqartussat, ulloq 20. maj 1998.*

Jonathan Motzfeldt

/

Daniel Skifte